

民國五年重修

淮陽縣志

卷首 圖經

卷一

地輿志上

星野

沿革

表附疆域村保集鎮附山水

碑口附

卷二

地輿志下

古蹟

冢墓附

風土

卷三

籍賦志

戶口

丁地

征解

留支

蠲緩

雜稅

鹽引

卷四

建置志

城池

宮署

壇廟

坊表

橋梁

卷五

學校志

學宮 勸學所

學署 學校

學額

學田

書院

義塾

卷六

經政志

秩祀

禮儀

兵防

郵政

倉儲

郵政

卷七

職官表

名宦傳

卷八

選舉表

辟舉 文武例仕

文武科目 封贈

貢生 世襲

學校畢業 恩廕

卷九

人物傳上

先賢

鄉賢

先正

文仕蹟

武仕蹟

卷十

人物傳上

孝友 忠烈

卷十一

人物傳上

義行

卷十二

人物傳上

文學 隱逸

卷十三

人物傳上

方技 耆壽

流寓

目錄

卷十四

人物傳下

列女

后妃

節婦

卷十五

人物傳下

列女

節婦

卷十六

人物傳下

列女

烈婦

孝婦

淑媛

貞女

烈女

孝女

卷十七

藝文志上

著述 金石

卷十八

藝文志下

輯類文

詔勅
祭文

表疏
誌銘

碑記

論辨序引

卷十九

藝文志下

輯類詩

賦頌
古樂府

古詩
歌詞

五七古

五七律

五七絕

卷二十

雜志上

災異

兵事

雜志下

方外

寺觀

志餘

西郭曉望

陳玉謨

宛邱郭裏遍秋華，一水橫橋荻岸斜。
初日魚龍恬翠浪，輕風鸛鶴舞平沙。
城頭烟吐千家樹，堤口晴吞萬頃霞。
野立天空秋興遠，疑從碧漢弄仙槎。

元夕讌謝憲使宅

張佳胤

主人久卜東山宅，好客頻開北海尊。
良夜須傾三百盞，譚經相對五千言。
華堂燈影欺明月，寒壁星光照紫垣。
只恐徵書下安石，池塘春草共誰論。

卦臺秋月

王良臣

邑人下同

龍馭已隨仙化去，高臺獨峙對崇城。
影懸冰魄三秋冷，光浸瑤池一片清。
畫裏妙涵天地秘，爻前先見古今情。
獨憐未得傳心印，消息盈虛昧此生。

絃歌夕照

宋一韓

爽氣平分尼父臺爲誰豪興一尊開張翰未逐秋風去劉向還依
燕火來萬里層陰寒濁酒二陵夜雨暗青苔乾坤此會知吾輩更
憶登樓作賦才

送駱兆明世祥歸楚

謝用賓

河橋蕭索送君時綠樹蒼山總是悲搖落片鴻歸去早飄蓬匹馬
到來遲荒村日落還留客斷草殘烟欲共誰莫負明年春色好一
庭花鳥正相思

賦弔謝烈婦

季道統

一聲長嘯去人寰步躡清虛響佩環冷月千秋沉曉鏡寒潭萬古
照春山可憐碧石堪藏骨莫道青天不壯顏握手夫君遊閬苑鳳
簫吹徹海雲間

馬節婦左氏

宋塘

靜守閨門八十春
蕭蕭兩鬢白如銀
良人死難忠猶著
孤子承家孝且純
磐石不移清苦節
落花空照未亡身
連雲華榜誇旌異
千載光搖蔡水濱

清

初冬登畫卦臺

巡察李及秀

傳是庖羲畫卦臺
小亭殘碣宛城隈
荒原彌望連衰草
野水依痕漾碧苔
音蹟豈容詞客弔
孤陵時遣使臣來
後天文字堪充棟
象數元通未易才

登太始樓望絃歌臺感懷

梁遂

太始樓高八面開
巍巍數仞望中來
河圖此日猶涵象
鳳鳥當年去不回
吾黨可裁誠足樂
莫容何病漫相猜
於今誰是司城子
空

對義陵弔危臺

郭外偶作

曹申吉

宛邱湖畔盡空濛曉出孤城四望同十里波光鷗上下數家茆屋
樹西東水痕平浸長堤外霜色猶寒旭照中待得春歸潮上滿輕
舟好泛藕花叢

遊蘇湖亭

前人

春深氣靜曉春天隔岸煙波入眼鮮露捲花明經雨潤水流月影
逐風遷蘇湖歌舞興猶壯曲徑盤桓靜不喧欲對潁濱談素志每
慚事業媿當年

夏日蓬園晚晴廵方

龔作肅

奇雲繞樹晚天晴過雨新餘暑氣清枝坐鶯聲調管瑟葉重蛛網
掛簷楹籬編竹徑閒堂靜戶鎖蓬園小牖明醺醉自吟時緩步西

城吐月帶霞橫

遊綠野堂

徐民表

口坐蕭齋莫避囂偶來郊外俗塵消城頭閣迥穿雲出水面堂虛
接樹遙幾處迴廊環古榭一灣寒渚貫平橋丹邱仙夢何時醒獨
步亭前竹影搖

賈魯河舟中

吳清文

水長船從樹杪行已卯大水欲尋古泊欠分明篷高不蔽隨風雨橋礙
偏稽下水程詩寫性情毫屢試酒澆塊壘手頻傾維舟遙指如舟
舍潁北淮陽有故城

貞子閣

吳漢文

巍巍傑閣祀前賢潛德雖湮謚尙傳得主幸逢過宋日入官還憶
在陳年料應臭味譬由並可許芳徽伯玉連身附青雲名不朽風

池陽縣志 卷十九
塵作台信由天

蘇湖亭

前人

孤亭何處夕陽邊古碣空存教授年才望一門稱濟美文章百代
跂宗傳平湖柳鰾魚吹浪北郭荷香月滿川閒步莎堤漁唱晚乍
聽疑是和清絃

雨後郡齋書懷

郡憲 崔應階

來牟已見慶倉箱甘雨隨時浥四疆案上有琴消永晷民間無事
到公堂湘簾不捲桐花鬪雀硯微聞墨瀋香政簡自堪藏我拙何
妨卧理效淮陽

將之淮源留別淮陽諸君子

邵希曾

偶然泥爪寄陳闌不信羈遲十四春到處雲山皆識面忘機魚鳥
總親人琴心頗悟成虧理棋局閒看白黑頻顧我於淮真有分清

源又照鬢絲新

遊大王廟

楊得琳

偶來郭外滌塵囂一路香花對客招人傍
丹邱心自遠堂開綠野景偏饒
晴霞晚映叢雲閣曲水斜通貫月橋
更有長春青不了迎風亭畔竹蕭蕭

蘇湖並蒂蓮

吳士雙

越女吳姬水殿荒殘魂化去覆鴛鴦
色香世界皆平等烟水生涯兩不妨
但得成雙還照影未知結子可同房
五更月落湖光曉翠扇風搖各自香

卧閣清風

却憲馮祖悅

循良高閣舊知名卧治當年雅化行
矯詔開倉拯飢溺抗顏悟主佐昇平
地臨水署塵難到風滿春城境自清
芳軌遠追君不愧口

碑久向耳邊明

題蘇園橋上亭

州牧 王濤彥

綠楊繫馬暫停鞭
凭檻臨風數畫船
兩地中分南北水
一橋遙映淺深烟
棹聲響徹雲間奏
樹影搖開鏡裏天
沙際浮鷗良解意
三三兩兩浴晴川

蘇園雅集

翁文標

名園卜築傍城西
疎柳斜陽映碧溪
金谷開罇嘉客醉
眉山高會白雲齊
參差亭榭花留影
零落楓林鳥自啼
千里一杯同話舊
宛邱好景共招攜

前題

郝起

空濛烟雨逕苔鮮
曲檻斜通別有天
看盡枝頭香在眼
吟成舌底韻留箋
輞川棲處名心澹
金谷遊來酒興顛
最是湖光人散後
夕

陽春水弄餘妍

重陽日偶題

是日文告歸養

邑令何登棟

小苑蒼蒼滿眼秋微風細雨人高樓十年遊子勞親夢一介孤臣
漸白頭但得開樽看菊色不妨落帽傍漁舟重陽此地經多少慚
愧諸君展壯猷

贈岑春岡

前人

絃歌臺畔畫橋西水遶城南漾滿溪桃蕊綻紅三月雨漢書浮白
五更鷄春風錦繡開懷抱往事升沈入品題玉案應成他日草楓
宸時厓在蒸藜

春日過陳州

項城鈕秀

風塵匹馬負芳期古道斜陽攬轡遲歷國遠慚吳季子好賢深憶
鄭當時一年花柳共行役百代關河起夢思客裏不知春色暮東

門新碧又盈池

宿馮唐鎮

前人

村流繞屋響淙淙月色朦朧上短窗
酒後悶愁纔失半燈前對影
恰成雙浸沙水淺浮羣蛤觸樹風多
吠獨厖不道此身遊客舍夢
隨花月到春江

秋日留別諸紳士八首

邑令 吳 溶

秋水澄瑩漾碧天柳湖荷葉正田田
烹鮮屢試難誇手製錦無能
且息肩輿論定評他日事人情惜別
書詩緣頻年宦轍中州路鴻

瓜留泥一惘然

余久在中州接
衆凡十餘處

官去身輕何所期盤根錯節豈相宜
量才自哂同雞肋爲政空慙
作繭絲小閣晚蛙秋到後平田朝鷺客
征時只今頂國還追舊傳
說都人已構祠

負郭無田可治畚蕭然生計委琴書縕袍稱體何嫌敝藜飯供餐
大可茹敢謂酌泉堪勵節竟無介石好裝車古陳五邑淳風美野

老壺漿到客廬

余於淮太扶西頃
五邑正署凡八次

昔時種柳正芳菲此日婆娑撫十圍宦跡年華雙短鬢天涯車馬
一征衣苦聽旅館鳩兒喚喜近行人燕子飛遙想長安舊塵陌王
孫鞭策自輕肥

只因解組近樵門座有嘉賓款語溫我守一編非長吏人來百里
自孤村但思美酒留高雅安用良田益子孫珍重多情惠餘粟明
朝無復慮饔飧

白露蒹葭可溯洄伊人不遠水之隈關情未訪高賢里祖道甯煩
送客杯楊柳垂條非昔蔭芙蓉舒葉又新栽諸君若復看行色風
味依然似秀才